

幼
學
堂
詩
稿

幼學堂集序

積學齋徐為昌感書

夫風會屢變則賢傑應其時身世既屯則詞章摠其積斯道不絕振古如茲乾隆中葉操觚之家厭薄單行之作遠求屬詞之體則叔山稚存諸君力追八代上窺二京而吾友沈君文起以博聞強識立之基以探賸索隱造其極當伏迹于里閭已蜚聲于壇坫迨十上不行千里負米閱燕齊之殊俗尋漢唐之舊墟發彼幽情盪我奇氣作為詩文積有卷軸凡幼學堂集若干卷天祿石渠之彥心驚夫藻采載筆紀言之人汗流于絕塵乃湮鬱抑塞流蕩奔走年近知命甫就一官而又置于寂寞之鄉莫施華實之用斯

世所嘆況乎同人然君則好學不倦修業不息朝齋夕鹽
晨抄冥寫縱橫上下旁皇周浹氣衰而志壯身卑而道尊
于左氏春秋班范二史昌黎一集既已補訓詁之缺遺合
篇策之同異自昔以來所望洋而向若一室之內能溯流
而窮源根深者葉茂膏沃者光遠遂一寄于詞翰得盡窺
乎性情又總其詩文以續前集觀其所成可以掩徃哲就
其所到可以空流輩顧屢書抵余所言益遜若以索居爲
可感傷會面之難久蓋落落數子忽忽百年宜研席之相
接乃山川以間之以此言悲斯益悲矣且事過易忘者勢
利之交也至老彌篤者道義之友也棲遲零落之久蹤迹

日益異離合往復之餘志趣日益同雖曠世可以相感豈
並時而無勞結至于通聲氣務標榜世俗之態莫中機辟
精一之思成其杼柚而區區所蓄亦不覺其自策也轉念
所歷與君畧同而躁競未釋鬱陶予思千緒萬端一唱三
嘆以君之隨遇而安不改其樂窮高極深以自命專心壹
志于古人則斯道所寄復誰讓哉而遇合之妙又不足言
矣君以前後之集向無序之者以余相交最久而知心有
素使陳其大畧如此然終未得乎萬一

道光八年七月六日同縣弟宋翔鳳謹記

韓昌黎以詩文雄視唐代廓清摧陷掃滯靡而張其軍再

困制科終不爲訛說以阿時好胷中蟠鬱每自况古人道
其得意故能陵轢時輩走籍湜而汗僵也後人襲其皮毛
流爲險僻強澁棘喉刺吻非實有奇辭奧旨可咀味適招
當世詆媿而已竊見韓子之論文也曰師古聖賢人師其
意不師其辭此固見其立異不苟雷同之說而又未嘗不
文從字順各識職也所引往代能文士惟司馬相如太史
公楊雄劉向之徒吾知其沿波百家齋灑澆演而迺迴楫
討源於數子之文浸滂涵泳爲有得然則學韓者亦可以
知所尚矣沈君小宛學博久稱文壇雄伯劬書鳩閱勝帙
充匱有哀朽蟬斷必手抄借讀幾於口成瘡肘成胝好兩

漢書尤篤糾顏師古范蔚宗劉昭之紕繆著兩漢疏證七十四卷又以杜預爲左氏疢痾駁其舛妄以發明傳義曰左氏補注十二卷嗣又成三國補注水經註疏證昌黎半山二集註駁王施查三家蘇詩注各若干卷蓋數十年寢饋鑽鑿默識其要領者而後顯定是非刊落其謬九變復貫所作一以昌黎韓氏爲宗辨香欽仰之誠復寓於名以見意焉且夫文猶人面也百人中不無一似百人中究無一似其似之者特口耳之粗迹而其神終莫能強肖捧心以學西施優冠而摹楚相能於文者不爲也與之近斯與之習與之習斯與之洽與之洽斯與之俱化夫而後不必

有古人之面目而具得古人之神情嘗取沈子所作讀之其義塾祔祀先儒議則似韓禘祫議之深切著明也其答許鳧舟問庶母祖庶母服書則似韓與李秘書論小功不稅之典核明晰也至於最屠太守以慈謹勉董侍御以風節規潘河帥以寬和率皆明達治體粹然儒者之言入自叙處徃徃慷慨悲壯足以振頑立懦比諸韓答崔立之李翱兩書何敢多讓其於詩也擺脫凡近破唐宋元明之界限而深病王朱沈袁之各有所主所謂捨筏登岸腳踏實地甚哉沈子之言似韓子也吾甚惜沈子以奇宕自喜之才兼鑽研必徹之學逞其議論推倒當世智勇而卒爲其

徒黨所齟齬以儒官老誠可嘆也嗟乎士貴自樹立遇不
遇命耳向使強沈子爲體格卑弱之文以求合於時吾知
沈子必不肯屑屑與斗筭者相逐寧使世無知我必不使
後世詈我卽百世後天不再生子雲而桓譚侯芭輩尚能
知有雄書彼訾訾者宜韓子所謂大稱意則大怪之小稱
意則小怪之也又何嘗焉 文藻 辱知最厚山城岑寂偶爲
小詩自適因得以絃於通人之眼前披幼學堂初稿已震
眩心目頓失所據茲復示以續爲者且曰行年五十頭禿
齒危念生平著書百餘卷以貧故不能鏤亦聽其覆醬甑
飽蝨蟬而已至於續稿若干則嘔心搯肝成者不忍捐盍

序而梓之因舉其似以爲序得毋哂劉松非解人乎
道光八年歲在戊子冬十月愚弟阮文藻拜撰

幼學堂詩稿目錄

卷十一

古今體詩一百十三首

卷十二

古今體詩七十九首

卷十三

古今體詩一百二首

卷十四

古今體詩一百十三首

卷十五

古今體詩一百十九首

卷十六

古今體詩一百六首

卷十七

古今體詩九十六首

幼學堂詩稿卷十一

吳縣沈欽韓文起

黃香涇以女兒香見貽

小參三昧臯端長乞我溫藤黃竹箱一匹漫夸孃子布雙
烟要證女兒香浪花歌罷金缸暖么鳳歸來銀葉涼不似
山家窮四和一甌越酒與評量

維揚舟中有感

舉舉江南子馬齒過四十百事不如人蓬戶堅俯蟄三年
孰著書兒穉無完襲妻子非所營奉檄喜猶及聚糧亦豈
易請句低顏揖離家已經旬捩揣乃初集蓬窗燭閃風閒

愁百端入自揣鈍拙人不足沾階級孤客三千里蠢僕與
貌挹書淫非健兒寧解縛綺褶復念兩豚兒頑劣廢舊習
穉子纔扶牀聰明蠢有力提攜乏保姆壞面常啼泣貯糧
固無多晨炊危數粒老親縈夢寐科第如在笈豈知天網
大有券亦難執安得一頃田團樂足歲給便爲龐德公不
敢入城邑

憶幼子

拜跪粗能了聰明三歲周要人騎竹馬背母畫瓜牛果餌
今時急詩書他日憂長淮三百里應解憶爺不

兩男俱薄劣弓冶望汝爲未忍加嗔喝斯須得笑嬉折艾

知母拙攬鏡念吾衰若向柴門候毋忘徂暑期

挽貴觀察

徵

消息三年斷依然說項斯心同退筆盡壽與白駒馳懷刺
空停權凝塵已闕帷不曾齋鏡具真愧昔賢期

河上口號

天桃注的柳舒腰齷齪春光着孟郊三載蓬蒿成棄物暗
將清涕灑知交

雨衆擔簦共佐庖珠英金海付胥鈔乞兒爲辛難料理大
酒肥羊墟落拋

幾度紅橋載酒遊擘箋健筆歷滄州重泉寂寞遺窮賸

謂仲

符丈物故桐如雪梅花也自愁
生太守失明

雨中過高郵

魚鱗塞空城若疑

疑城見吳志

神叢低亞旗脚披波紋漾愁送

鳩語風力墮花迴雨絲蝦菜撐船迎路市鵝鴨作隊沿水
嬉江南雖好幸勿憶春草過盡塵沙吹

荀卿墓

難挽江河下猶分日月光入齊僎祭酒哀郢厲憐王臨武
兵家議鮑邱弟子行蘭陵百里地只重一坏藏

下邳懷古

撼地長河吞衆流楚山淮水角城浮斬蛇秘笈探黃石縛

虎梯衝舞白樓飛檄諸軍馳北府
縋城一節呼去聲周邱王
郎到此真愁絕急雨斜風擁散裘

嶧山

石林氣逼竇青垂遠岫相連似列眉
嶧孔雲頽邴鑿壘書
門草沒李斯碑一犁白背烏健傳
幾稜青畦繡雉窺濯翼
丹梯空有羨短轅傾仄獨哦詩

自在平至腰站大風竄

天造黃沙獄恒河卷地空相看如土偶
是處射谿工春盡
平原外愁埋大漠中入門湯沐具絃索
又丁東

平原劉主廟

剖符一郡久辛勤誰料艱難帝業分魚復荒祠猶伏臘樓
桑故里失風雲世閒相賞有文舉天下英雄惟使君尙憶
當年福處士可會長揖效終軍

阜城遇蔣伯生明府次韻

傭書作吏幾浮沈名字相傳互賞音車蓋偶傾成握手苔
岑無異託同心卷簾花縣環東岱澆酒詞塲集古琴最是
吉祥佳讖好耍期眉壽保三壬

雄縣

獨流河口久揚塵塘灤猶思疆理人當日邊防南牧限後

來國計北漕困虞徐

虞集徐原貞

有議難追漢河洛連綱亦入

秦郤指雄州窮一髮長堤繚紹碧粼粼

柳色微黃映碧湖江鄉風物信無殊輕帆拍岸還拋罟小
艇圍田更築圩鉦鼓關南攢鐵馬風雲趙北走麟符病龍
臺下空搔首如此英雄輟壯圖

鄒縣孟子廟

道左周垣列行人感至誠禽聲引鳴鐸柏影落征衫鄒魯
比肩亞荀揚接迹凡中丞留一座遺笏對巖巖

孔道輔從祀孟廟見

閩里文獻考

憫忠寺懷古

昆盧頂上躡虛空飛騎榆關一掌中漲海征塵歸白骨冰

天哀淚墮遺弓

趙子砥燕雲錄云淵聖至自雲中駐蹕燕山惘忠寺岳珂程史云徽宗崩于五國城

洪忠宣皓于惘忠寺設奠文穿林愛趁功曹鳥捫壁虛驚云攀龍髯而莫逮淚灑冰天

主簿蟲丈室等閒留一榻年年幼婦哭春風

宋史謝枋得傳至京師病

遷惘忠寺見壁閒曹娥碑泣曰小女子猶爾吾豈不若哉不食而死

某人以畫催詩

乞畫添家圖籍外催詩補處石林傍登山臨水能無槩

郭象

注莊子槩臧也

撲筆推書暫欲狂山氣孱顏新皺面酒痕狼籍剩

枯腸多君動我窺園興霜葉乘風昔昔黃

張湛列子注昔昔夜夜也

題友人竹塢風雨圖

世患吹竽前一我期叩板後三三雲能止觀團瓢戀風

不游空竹樹貪鷺子休糧朝市罷雁奴直宿夜嚴請先生
欺頼眞無偶讀畫神馳谷口南

立冬前一日鳧舟招集池上別業看菊以老圃地寬
花富貴分韻二首

乍煖望稍寒朔風拘柔艣不擬負黃花一笑集今雨泉脉
穿疎籬日精聚老圃秋蒂謝已邈朝華競方吐幽色上鬚
眉冷香砭肺腑蒼蘚羃蛩魂落英剩蜂股青女明瓊投安
石碎金補託此延年寮老得藏春塢五光十色中舉杯酬
玉斧

空庭嚶羽怡南榮日華媚齋腸葉語傳花國吟魂醉染霜

曉作粧翦衣寒爲帔四壁羅素屏一山奉羣翠瓏瓏門秋
心澹澹敦古誼麟篆紫泥捫鳳諾衫毫寄淨觀究竟天幻
影光明地鵝黃蕉葉傾蠻眼瓶笙識邀君月旦評遲我停
雲思斜日倚鳴榔一枝插髻墜

題徐堅萬木奇峯圖

董源筆力强弩曠後人伸紙愁瑟縮胸中邱壑皆平平今
朝眼前突兀作蠶叢林立五丁開巨靈塌天隻手拓冥冥
雷雨門心精巨刃摩空一支削解衣槃薄捷得之千丈援
起捎雲脚槎枒如繞萬甲兵一將登擅捧崖嶸目毗決入
窮鴻濛奔星出入巖洞中安得置我煙霄裏倚袖飽聽萬

壑風

初冬新霽百雙軒看菊

作寒連苦雨激日有剛風

靈樞入風篇風從西方來曰剛風

影瘦依屏菊

聲枯落井桐畫禪操尺箠詩筆退強弓學究龍鍾醉知非

雙鑠翁

戲元謹

佳氣四時共依山便是園酒徒稀北郭筆錄滿東軒屐護
新苔嫩鴉爭老樹喧都藍攜鬪品黃葉滿前邨

友人約攜酒榼茶銚至石鼓山看紅葉阻雨以枯腸

得酒芒角出分韻

牆陰時孤立枯桑吹暴樂

力角切

青女媚窮陰丹崖散大樸

憶山窮內觀入林解外屨屐材尙不借詩趣真獨覺起聽

簷溜吟坐使心芽爆物化堪自忘天遊猶踐約

乙角切

說併

貂炙婪橄酒羗脾濯濡毫抽蠟蛇吮墨貌犖砦大言廓蝨
眉疾歌應牛角禮意溫溫持俗態稍稍學漏天濕未補作
卮滿恐設

京洛非雅遊端居意墨墨用我何如卿償失了無得同類
難聊調中聖敢分北指舌戒常樅抱膝矜蘇則此相合酸
寒有命倫僂服居貞幸盤桓至樂解徽纏只愁畫叉減難
斲酒券賁三尺喙能奮五斤手未憊

鼻墨切

仲眉落雁峯捫

篆陳芳國下蹴魁父平側睨噲等伏飛騰漸覺狂溝沓毋

寧黑一棹指漁燈夢向楓林黑

臘日

黃梅烘日膽瓶殘玉乳金齋亦自歡
卮社稀聞迎臘鼓僧
厨早釘咬春盤劉若愚燕史官中食蘿蔔曰咬春貧難覓酒齋先受嬾不

辨山畫獨看輪與東坡老居士雪姑相喚入雲寒

以晚菘俗謂雪裏青者與冰豆腐羊肉泊中戲名曰

冰雪羹可繼玉糝之後也

誰能錄錄五侯鯖腐氣居然屬沈羹南史齊武帝謂沈昭畧曰尊羹固應還沈

笑語兒郎知此味阿翁贏得少聰明

家常只飽元修菜公費難求學士羹病眼求羊眼不得秀句拚從

寒餓出瓦盆未要熱松明

題徐堅臨曹雲西長卷

林泉偃臥長清淨翰墨傾交共老蒼眉壽聲名俱不滅心
源造化各分行

賸水殘山輕禹玉千巖萬壑富長康詩脾清入三秋杪漁
浦溪橋初見霜

許子琴頭得心印徐耶沒骨繼孫枝晴窗我亦伸眉笑茶
熟香溫與覓詩

李太僕君寔自題畫云畫成未
擬人將去茶熟香溫且自看

雪次東坡韻

紙窗浙瀝月沈纖窮巷蕭寥鼓罷巖送臘有情調玉糝洩

春無力凍晶鹽光分屋角幾埋岫聲在林梢不滴簷却怪
厨烟炊未起龍頭聊試綠蘿尖

欹枕蕭晨不梟鴉兒童濃笑引鳩車人思薄薄中庸酒山

漸我我小白花

翻譯名義補陀落迦山亦名小白花

烏帽支筇怯樵徑紅衣

垂釣少漁家浮漚世界微塵析又逐迴風聚惡義

向莫雪不止用前韻催周生繼作

欲散還團手爪纖

獬孤中叔作團雪散雪詞

低空暮色報初嚴黑甜夢

冷莊周蝶白戰詩生荷助鹽屐齒痕迷誰荷鍤冰條聲脆

欲敲檐明年炊餅香堪啖漫羨湯官供玉尖

趁市無人饑啄鴉庭深試策日懸車平舖地麵雙弓米

地麵

朔見舊唐書懿宗咸通三年勅

徧灑衣雲一手花低亞竹枝敲隔戶模糊

檜頂辨誰家借書嬾向寒溪度水濁魚寒不上

王得臣塵史令

狐子先有雪中渡即溪圖詩云借書離近郭冒雪渡寒溪

十五日至元謹書塾望堯峯積雪仍前韻

濛鬆花垂小了織晚甘舌本辨森嚴林巒媚日猶妝粉卹

舍沈烟遍印鹽影落玉螻巨月崩聲高鐵馬走風檐齋孟

經席酸寒甚油幕何人聚綠尖

川宋子京修唐書事

林散黃綿點墨鴉一枚爐火暈生車晴烘畫筆開眉葉寒

遍詩心發意華

大智度論散花品是華非生華亦非意樹生

胡定幽棲誰問戶

焦先堅臥不須家樽中端爲謀良夜大好交輝白博又

佛書

月望爲
自博又

題狄梁公像

紫袍
金龜二首

龜帶圍腰金字釵黑貂終作漢官羞午橋巨得盧姨顧只

博張郎集翠裘

大唐新語張敬之在則天朝每思唐德謂子冠宗曰吾今佩服乃莽朝服耳

雌風不礙轉輪王

大智度論女人不能作五種王

小帶房陵天日光藥籠

居然收俊物不知辛苦爲韋娘

除夜清寂無事戲倣石湖新樂府僅得四首皆貧家

所有云爾

鍛磨齋空爆竹響侷子喧呼督使上油鹽醬醋羶腥臊竈

觚刷洗開榆櫺

一切經音義作寫云櫺非也

牢丸米花插柏葉餛飩漿

無百錢直主婦喃喃前致詞
家人惡口休推劾酌酒喜伺
神顏醺蕢燭如椽種竈門須
史燈火歸房闔已有暗鼠翻
餅盆豪家嗜饗多達旦貧厨
分烟愁日晏莫嗟雨雪斷樵
蘇幸可水澆宿歲飯

右接竈

家人雖勤非卯薦像設經年
始得而闕門掃地拭塵函黥
澹丹青紙縫綻遠祖肅對如
神明近親振觸雙涕零此身
老大行著代猶憶歡笑高擎
燈杖履遺留不可得但指詩
書是舊澤兒童僅訝古衣冠
長老猶能述祖德雲祇歷世
遙相望慎莫卷歸狄武襄夜
闔更掛窮鬼語累世通家共

老蒼

右展先像

杜老言貧未是貧粉黛衾裯炫妻子我今隴東四十三苦
衣但躡額推履一裘輒鎮抵當庫米鹽寬剩思料理邨姬
索庸誅經年拜牀未撒梨棗錢一笑囊空仍愁置商陸火
微醉欲眠況有敝裘寒可擁差勝牛衣泣目腫小兒所望
亦不奢三尺絡胸已矜籠

釋名心衣也

自信疎慵禮數寬易衣

何必從范丹一生當着幾兩屐更待長名勝上官

右贖當

三年廢詩帳隨手不起草故態難盡除束筭頗稍稍不忍
嘔心出奇妙鷄蹠雖干無益飽祭詩聊學鶴阿師斗酒還
澆杜陵老林颺颺颺燭花紫疑是挪揄腕底鬼歌哭何人
識此情唐衢已老鄧魴死不要輕綃繡

皇朝類苑好事者以潘閔遊遊浙江

詠湖著名以輕綺寫其形容謂之潘間詠湖圖

不用黃金鑄蠹魚生死在文書我

窮端不爲覓句海風江雨伯牙琴付與山中木客吟

右祭

詩

立春後苦雨

雨雪無乾日懸知麥不爲天門高有象地血浩無涯難倚
春風煖翻憐冬日宜空山真索莫斂玉有橫枝

自柴塲郵冒雨穿鳴踏嶺入堯峯上院夜宿山房

濕雲打頭重漲海眩難俯飛雨撲面來風力拓強弩石滑
不受趾天低真倚杵兩耳振松濤孤剎埋烟縷山僧訝客
狂詩思砭肺腑燦衣蕪琴材沾酒薦筍脯檐溜急棊聲潮

音散醉語紙帳圍山光夢輟叢篠舞淙淙石泉滴瓶笙韻
可補稍喜霽色開齋厨傳粥鼓

晨眺山頂次汪鈍翁擬登堯峯會雨不果韻

龍眠一泓寒泉脉遠放溜

謂寶雲泉在寺

竹柏尙婆娑李梅春自

後輕雲時掠面曉日停障手翠幄拱四山遊屐吾其偶浮
嵐滿五湖一帆破水口高踞千人座僧詩過希畫

謂退浮翁

漚任起滅積習破諸有往例如可援竟屬鈍翁否

汪詠堯峯云戴

周何點堪爲例從此諸峯屬鈍翁

下山肩輿行犖确中遂至堯峯下院次鈍翁肩輿登

堯峯至露禪庵韻

一宿掃餘戀幽奇留復探失道蒼耳中捫石頭畧諳宿霧
衝栖鳥暗泉逐滹潭片雲猶送客林表封層嵐但訝濕衣
袂寧知破蔚藍胡巷有古寺雨脚縈佛龕瓜牛注梵夾拱
鼠禮槃設頗悟文句縛迴味蔬筍甘水田注雲腴團瓢寂
可耽白衣共結社本不須抽簪

注原作云栖止悔
已晚奚庸慕華簪

余遊堯峯登舟風橫泊岸雨作入山雨益甚留一日

歸遂晴霽戲用鈍翁韻三首

一晴不余畀踉蹌到山家雨挾松梢響風回竹勢斜前邨
纔貰酒淺渚足撈蝦更欲探龍洞籃輿赤脚譁

未肯煞風景此遊端有名何妨大塊氣聊助不平鳴萬飯

炊雲熟千人洗血清

千人坐坡陀數畝
父老相傳爲明嘉
靖中營兵誅倭之地
天陰時輒聞鬼

哭

翻思太華頂慟哭較狂生

經年望山色此夕着閒身
皺而非今我頑心每主臣
松嵐空際濕槐火夢中真
便有因緣在雲開一宿人

春中屠孟昭過訪邀同探梅泊舟虎山橋看月

女夷散暄風林巒發新繡
春水送野航好山如列堠
港闊魚榔鳴市小夜燈逗
一阜於禪蹲雙崦蟠竦奏
差差僧寮掩澹澹白塔守
玉鏡界遙岑瑤林簪翠岫
鷗夢平皋圓香霧空明覆
潛魚驚警欵清樾舞襟袖
鉏茅願未膺握蘭欣與構
一宿菰蘆中欵枕放清溜

許氏石契齋小集至菖蒲潭水邊籬落彌望梅花
誰將光明錦絙茲山水窟山重名易忘花繁處爭發唐園
簇繡圖香塵舞羅鞵叢薄帖珠鉤澱潭浸玉骨絮雲閒淡
濃綿羽互出沒鋪綦竟夕陽資清佇素月千邨媚縞衣一
枝媿華髮輕陰借難護禮春催易歇辛夷顏微破紅杏意
已勃長羨巖阿人盤桓采薇蕨

查山在梅花中北望銅井南臨太湖

花光映湖淥嵐翠紛烟霄絕景開香界攬勝擅單椒無風
亦篔影有雲如襯綃遊眇興何盡攝心意已搖鳴夷檣櫂
待浮邱挹袖招但爲瓊樹留足令俗骨超一塢獻晴宇數

家隔溪橋雪霽吹林杪玉煖圍山腰有樓當月戶倚樹可
吹簫懷哉六浮閣披圖託久要明李長蘅欲於此建六浮閣而力不就爲武林郭孟陽作六浮閣圖以訂其盟康熙間長洲張士俊竟成之六浮湖中小峯也

蟠螭山石壁斗入湖中

雲根插湖中高浪怒不受陽侯施斧鑿渾沌判化牡飛沫
高濺面暗流深注白舒嘯據厓屨披襟豁塵垢水天目擊
窮烟壘山積厚石氣砭禪心花跏粲佛口陰崖拂叢篁織
廳醒宿酒涓涓乳泉滴岌岌臥羊走更期風雨中掀舞聽
鯨吼

沿西磧至石樓高山削天隙處皆梅花湖中島嶼映

帶日晚詠歸

永日湖山中逕復勝撫玩往景神未憺新眺賞屢換崇巖
若礙眉絕磴每振腕積水層雲縫芳林隙風竄晶晶白銀
闕亭亭青玉案披香遞高下點黛時聚散川霓吸冥濛山
鳥度凌亂澄鮮帆色開皓隔屐齒斷荆班真坐忘筍將告
日盱清泉聊復濯塵顏久自嘆松梢有餘青炊烟起山半
次日梅花已落坐聖恩寺還元閣飯訖登銅井山絕

頂

風日逾暄妍遊頭輪先輩映水苜枝空迎面玉塵碎國香
已謝華天采各舒態古寺循鐘魚敞閣飽筍菜討春有餘

勇振奇無別隊松籟散風琴谷淙聚雲碓斗折疑絕蹤
蟻傳已騎背天高選手招石頑叩臆對洞戶剖蟻傲井
甃瀉膏黛崩峭窮百級孱顏盡一概彈山獨兀傲青旻
未排退冷然發冥悟勝遊倘思再

孟昭約鳧舟共作看梅圖余先成詩六首將書於卷
意有未盡復作十絕柬二君

遨頭不許五分加范陸風流合一家筍欲掀泥壘入甃不
期差眼看梅花陸劍南集自注云成都合江園梅最盛自
初開監官日報府報至開五分則府主來
宴遊人亦競集攻范石湖集云東郭排岸司中梅開方及
三分戲書小絕令一面開宴則又不待五分也陸云府主
湖即石

勒停老圃畧宜寒
族拒春風險不殘
最憶詩人光景好
溪橋微雪一枝看

玉蝶低飛掠鬢絲
玉斂斜挂度橫枝
一重公案相關處
鐵石心腸冰雪姿

石家步障未能移
倒九分來聖得知
惱殺木棉裘已煖
夕陽烘垢白辛夷

支離社柏風雷裂
屈強身猶九竑橫
若遣梅龍來作伴
哀

駘宅復映雙清

石湖梅譜云成都二十里有臥梅隱卷十除丈相傳唐物謂之梅龍乾隆間太倉王

氏園古梅亦號梅龍山中頗嫌皆稱梅故云

批紅判白郭馳家
干稜梅椿勝種瓜
珍重潛園截異色
米

家燈照一船花

潛園孟昭所居鳧舟買園花相贈故以米仲昭爲況

雲水光中仗眼明石泉槐火證前盟山僧看慣胡釘鉸那

識西州魏野名

石樓僧舍側有泉洗眼頗爽以慧眼識之孟昭爲題名入山來見壁間詩無可觀者

亦勝地之厄也

如此好春便折除喜神添箇倒騎驢

許道寧爲潘閔寫華山倒騎驢圖余心羨

之及觀東坡和陶詩序云肩輿却行以與客言知妙趣古今所同也

生花筆補梅花課胸次

玲瓏我不如

石湖詩陸那舊有梅花課未見今年句子來

蒼官森森鄧尉社蘆芽短短虎山橋畧似西湖白堤上秋

來待放木蘭橈

求官覓舉墮塵勞奉勅邨梅坐自豪白石清泉同位置不

宜富貴只宜高

醉步虎山橋

遠邨風外傳春信孤艇烟中破曉行月影霜痕渾不辨芒鞋催動是鷄聲

山中一種紅梅開最晚鳧舟以贈孟昭計到家園方

開也

除春桃李未承當

東坡戲語也

的皜瓊枝壓錦囊絳蠟生花人

半醉青苔和雨水微香遊蜂却趁浮梅檻

西湖船名

歸燕仍迎

待月廊從此潛園修故事擘箋小閣倚紅妝

觀盛

果

藏墨戲作

織簾使墨惟使柰書樾寂寥四友劣一俗差勝淵材癡齋

夜話彭淵材遊京師歸挾一布囊喜見眉鬚問我囊裝僅

日吾富可敵國也乃開囊有李廷珪墨一九

袴襪黑松使者似嫌渠屈指文人太寒乞詩械何須蚓竅

抽東坡孫莘老寄墨詩云先官書況復鴉樓拙匹如嫫鹽

生不譏訶又復寄書械

畜粉黛雖欲摩挲不可啜盛侯好事等嗜展豹囊欲開玄

雲勃方程熱劑追奚張鷄羽埽煤龍鬣活圭琮磊砢堆黑

河麟犀剝銳刈青鐵雖夸墮溝質仍堅終恐着紙光難凸

顧我筆研封梁塵未敢勞分烏玉玦約畧彭錢八十妻儘

容眉憚新妝關東坡足支三十年玉泉取盈一萬笏豈殊

八百斛胡椒難使胸中着底物非人磨墨墨磨人一笑舉

頭換秋月

屠孟昭潛園十詠六言

噲等乃與爲伍，湛輩當如此言。仕宦因人寒熱，詩書是我

繫援

盟山堂

誠知無用爲用，可悟言亡未亡。鱸膾蓴羹在手，月中辛苦

吳剛

招隱居

洗鏡容顏未改，排衙名字休鐫。

俱杭州石也

自愛風標立，鷺不

愁月暗啼鴉。

鷺君峯

窪尊却對流水小蠻。

檻名見長慶集

試覓芳林受雨，三人野艇鼓

一再行素琴。

廻波池

狸骨何如鹿脯漏痕自壓薑芽便欲換羊一飽難忘食糲
舉家 寶顏齋

天竺曾攜洛下仇池相送海南此中大有佳處爲君小試
浮嵐 貯三十六峯處

穿籬眼外蛺蝶立簾額上蜻蜓今雨來雙蠟屐孤雲覆一
草亭 半笠亭

人語隔茶臼外山光納酒杯中睡足一城梅雨飽聽六月
松風 倚松閣

琴書鶴剩歸船日月燈明滿屋放下齋糧半升相留行脚
一宿 一宿覺庵

叢薄鵲隨雲凍浮圖鵲振風高曳滿長空正練儘消寒女
剪刀 翦雪樓

題石濤墨梅

蘆花被冷穗微紅冷蘂疎枝入夢中約畧前溪水斷處一
灣瘦月映寒空

已把繁花着意刪一竿碧玉伴孤山可知翠袖天寒意對
話清愁水石閒

題徐元歎

波

落木庵圖次鳧舟韻

白髮風吹不受簪青山雲暗欲封庵蟲吟詩派空張楚驂
絳禪心已病譚憔悴還家幾江總殷勤把酒少何戡惟留

礪上寒松色 世外鬚眉照碧潭

立夏後一日放舟至洞庭東山過邱氏瑞芝堂次東
坡過江夜行韻

荻牙弄影柳擺腰 帆竿拍拍只環峴 日光散作瑣碎金 卻
望翠峯勢轉遠 跳波濺沫湖心深 分風擘流水 手健小兒
嘔噦我嘯歌 翻倒酒樽亦色變 澎湃漸微放溜平 碧蘿在
眼如識面 蓴絲軟滑筍脯香 更慫主人婪尾餞

次日自翁巷遊翠峯登龍藏閣至古雪居做軒面山
峭禱青蔥可以結夏微香閣後紫泉聲沸可聽日
暮欲登莫釐峯不果次東坡黃州上巳日出遊韻

臥喜輕雷先破雨朝來晴色滿芳鳴鱸堂試藝聲咿嚶乞
火敲門莫余侮吹香百草殿春殘點雪新茶焙日午騎龍
弄鳳未忘渠鳴玉腰金不屬收倦眼平臨遠水吞商歌起
屬長松舞青羅帔卷裊花紅紫錦綉舒迸筍苦打魚船修
山寺檀歸燕巢依古佛主紺樓插雲拖練光綠陰駭風現
眉嫵泉鳴蟹眼未停湯石碎魚鱗都嵌土坡陀上下杵投
白屋瓦橫從哇剎圓欲排雲氣上青冥但愁月黑迷處所
樵遠朝暮打包僧額春秋投菱女

頂上莫釐將軍廟已廢改奉大士象頗有

靈

宿芳開徑香篆紆夏鷄呼郵展齒俯陌上桑條暗欲稀

田頭豆莢肥堪煮得閒禪榻欹鬚絲竟日禽聲斷人語未

搖畫舸宿中流且結團瓢翦碧宇青苗會散卷神旗綠尊
市集喧漁鼓探奇腰脚趁尙頑宿諾公姥應相許十幅蒲
帆炊黍頃百尺雲梯信無阻莫嫌習氣未消除得句能邀

雪竇與

翠峯爲雪
竇顯道場

石公山

玉山翠煖烟茸茸白鷗一點揩青銅月戶雕劖乳髓結水
官穿穴靈根通初攜銀刀整隊伍忽亘銀壁撐圓穹誰覩
蟻背劃神劍卻便渴吻垂長虹梯空木薦欲起痿磕浪金
秦如震聾不辭濺而竦石丈差勝沒髻嗟銅翁

姚希孟遊
石公山記

庵後石壁尋右而躋得劍樓俗曰一綫天其傑峙相向陰
者名石公遂以石母配之何不道兩石丈對塵談經耶

崖側瀉修紳白長槽斜挂圓鉦紅尚思水犀耀組練極競
茶火橫艤艫秀眉暈入句踐園精矚光射馮夷宮怒濤入
夜轉急碓新月赴瞑猶弛弓聲撼蛟鼉枕兀夢影觸竹樹
燈搖風擬將險語壓百怪自慚筆力非韓公

阻風石公山次東坡贈莘老韻

顛風掀破蛟龍窟東望無梁帆影絕劍峯嶄嶄利決雲石
齒稜稜冷嚼雪猛磬修篁碧折要碎蠶野花紅退頰日斜
翠鳥穿林飛天非濺碧藤梢垂旗脚未轉蓬籠掩靈威只
怪相逢遲飽看白馬銀濤卷不用將軍張水嬉
太湖營副將迺哨至
此泊岸與部曲羸飲竟日夜不去山僧無
如何予海僧廬乃至無地舉糞甚苦也

石公雜詠六首

佛火近連漁火石泉暗瀉石磯布帆招得雲去留伴蘆花
不歸 歸雲洞

直上牽愁薜荔空青淨洗梧桐只可仙人掇月不消令史
司風 翠屏風

松下幾時鶴夢蘆中無盡漚波夏至龍分雨去冬來鴈帶
霜過 來鶴亭

過隙一丸鑄橘引年千息藏龜山鬼呼風欲起江妃蹋浪
來窺 夕光洞

出水衣纏僧定橫烟眉埽春愁一幅李成平遠何人天際

歸舟 聯雲障

羅睺舉手障日老聃坐井觀天欲試橫磨十萬只愁造化
平鑄一綫天

題林屋洞

土人言入此洞須冬春之際今已夏初水
潦不可行也然聞其中蝙蝠遺糞臭穢又

匍伏秉炬得
不償勞也

金庭玉柱十載夢蛭渡蝦行一尺深黃神越章雖自佩靈
寶秘笈何能尋白蝙蝠挂怪人語碧瓏玲滴浮琴音一笑
題名償夙願敲鏗啄木問遙岑

自草庵尋暘谷洞垂上包山而止

短籬礙眉鴉舅橫青草沒踝蛇醫鳴遊屐生疎路屈綺樵

擔閒闊強導行涼颺襲人半岩圻如檢書得雙眼明飢虎
呀口哇篆乙雄虺折尾鏹神丁朝噉射穴耀玉札哀湍觸

石敲金鉦磨崖范李留姓名

范致能
李無碍

筆畫端好如新銘西

望包山潑濃翠興雖飛騰足已憇對案幾同食指搖閉眼

思量身位置我應高挹山隱居豈容畫師占名字

陸治人
多呼爲

陸包
山

晨度湖入長岐嘴延緣葦閒小泊龍頭飯路都堂祠

中

石公狹弄石尤風三宿已饋容我去宿雲尙戀縹紗峯逆

浪已收長岐渡

湖中謂渡
口爲嘴

外湖縛草散拋潛

漁者佃青草
結繩錯置湖

中魚依此散子卽掩
取之蓋古之慘也 裏湖編竹密圍簷荷錢初浮時藉魚

蘆筍纔青不藏鷺輕撓蒲藻相因依颯拉明珠衣濺露夾
鏡菱光日淡時浮螺齊影帆低處卅里鳴榔破曉烟一灣
繫艇籠深樹幸當林淵綴新眺若惜娉婷邀曲顧鳧葵蠶
豆釘盤飡市語漁歌雜詩句百年開口能幾何浪擲巧心
同瓦鈿更期四壁倚畫船來聽新荷打驟雨

送包十五世臣之金陵

摩兜韃戒反乎復替戾岡愁往復還照眼古文爲夏課灰
心先輩過春闈燈檠有味涼宵戀酒盞無緣去日閒闕盡
黃榆綠槐影知君清夢繞吳山

寥落晨星數舊遊
銀河問問入秋眸
更期木鐸鳴雙鳥
董奮毛錐挽萬牛
試茗風來開乳面
模山雨過顯磬頭
看人變化年年事
一卷江東莫被偷

舊唐書羅紹威傳紹威酷嗜羅隱詩目已所爲曰偷

江東集文苑英華羅隱湖南應川集序云命薄地卑一十二年看人變化

十五官次韻見答語意珍重益增感槩復疊前韻

過官幾歲參常選
溫卷何時得大還
天付斯文充要籍
人迷大夢喚當關
修途浩浩來何晚
逝水滔滔去不閒
隨分蓬蒿尋活計
無錢底事說名山

青芻白飯少淹留
劍戟差差幾射眸
抱璞欲讎先腐鼠
吹毛不試柰金牛
聞嫌都市言三耳
夢羨華胥紀九頭
檢點

黃齋餘食料將毋咎窳此生偷

詩寄董琴南借書

誰信年時東野窮書船續續乞盧全

孟東野集有忽不發喜盧全書船歸洛詩

立錐卻借荊州展

陸劍南集異書渾似借荊州

折挫還憑武庫充張率

交情容盡讀胡潛俗學不相通廣川佳話圖繚素近郭牛
腰負短僮

題鳧舟自寫池上草堂圖

園官菜把時來送溪友魚秧或見分寫入琴聲分澗水烘
完畫稿隔山雲

詩宗自別小丁卯老學猶爲雌甲辰幾日霜痕滿池上橋

香酒熟待何人

題鳧舟圖

黃梅雨歇菊苗肥
三尺新潮漫釣磯
得佳趣送清暉
暮引鳧雛拍拍歸

虎山橋外滿樵風
只傍蘆花理釣筒
洞上下崦西東
有客來尋龐德公

橈頭雙漿劃波紋
黃葉邨中徑不分
過酒望叩僧門
鐵龍吹起隔山雲

西風別浦送萼香
萬頃晴波鷗夢長
新粉本舊巾箱
應有元暉繼阿章

題池上黃菊圖

剽金飾應銀金師來娟娟病蝶艷艷深栝霜林日漏露畦
風開秋容獨笑落葉一堆亭亭素衣仰見黃人山前綽約
林下風神會招萼綠一舉千春

題文衡山爲王百穀畫半偈庵圖卷

神樓一嶺吐春雲竿木隨身只賣文莫道無生透天眼一
重綺語病多問

鴛脰湖邊權撥雲生天慧業已平分王孫芳草天涯思禪

榻難消白練裙

謂馬守真

以詩代書寄鳧舟

陰晴隔并况風霾楮袖爐中自撥灰書似隔年債未了雪
如三日瘧還來歲荒酒貴尊常燥身賤朋疎東不栽尙望
黃綿作春日短筇早探北山梅

幼學堂詩稿卷十二

吳縣沈欽韓文起

詠茶花

玉茗延秋影，寒空澹着花。
苔青助幽意，雨白孕靈芽。
插髻當修竹，橫闌憶折麻。
何時珠琲瑞雲脚，散窗紗。
差比山礬瘦，涼蟾媚玉池。
西風翦素魄，老屋映秋眉。
霜曉冰花結，宵深舌本思。
冬心寂寥甚，只待向南枝。

秋杪

秋聲急如雨，殘月冷于霜。
不寐嫌燈影，懸愁入鴈行。
酸鹹聊自適，通介欲俱忘。
答賦非英物，終年仰屋梁。

蠟梅用陳去非韻

鍛師相好且勿誇黃夾纈林散寒葩點酥翦水正愁寂曉
妝滿帖金鎖花倚檐白醉用我法蜂房割盡千丸蠟濃熏
婆律炙雲腴紙窗竹屋春不如垂垂蓓蕾封殘雪一枝壓
鬢纖手扶樓頭鴉黃上初月卻憶智瓊成小別

冬菜二十韻

啖茹貧生活傾家辦未難飢儲翻補空囊算探支殘

施注蘇詩

俗閒指妄想狂計者謂之囊算

鼠壤含霜脆茅檐曝日乾都盤奔竈妾幾

把乞園官萼甲先和涪樓菹尙掛竿花交攙臘粥

杭州俗呼黃矮

菜爲花交菜見戒庵漫筆

釀好共辛盤

齊民要術釀菹者次年正月始作須留第一好菜疑之計

會充常料摒擋趁乍寒下鹽星小沸榨汁露還漫具理餅

類

埋根列鍵鎔

音虔咨
林類

壓口安金釵芋擘股

士喪禮注齊
人或名全菹

爲芋荆楚歲時記
鹹菹並作金釵色

玉糝濟浮朶

釋名齋
濟也

冰齒堪煩渴顰眉

要小酸腹盛羊莫踏

鹽鐵論腹非唐
圖惟菜是盛

巾漉蟻同攢緩待千

林筍饒須一片肝御冬齊白粲獻歲放黃胖藿食原無愧

齋腸強自寬婪酣酪奴饌耐久腐儒餐滋味尋詩得容顏

索鏡看咬春年事了嚼雪夜深拚負擔求誰益攜鉏力已

殫梅花并細咽畝飯有餘歡

羣芳譜宋窟聖后每治生菜
必於梅花下取落花雜之

詠陸稿薦熟蹄二十韻

掩豆嬰猶陋剝干噲亦羸狃發傳市食鴈積賽官厨稿薦

衡術法

菊隱紀問明抄手衡術辛家專煮猪頭內而官春
紫外而黜戚皆知其名蘓鎮將帥置走馬傳致

陽澆店模

孫春陽家小菜蜜煎意思
同時擅名在閩門皋橋 燁同濁氏胃點藉賀

家酥

南宋杭州後市街賣
酥賀家見都城紀勝 貂炙虛全饋韓羊却胖腴熊消

分沃泊龍具效編苴

稿薦之名將圖披枿格鮮紅溢竈觚
水其始時

淺臚留貴骨緩火候申晡琥珀膏浮七瑰瓊儵憶熅不須

人乳泥略要杏漿敷打枕涎饗客操孟听嗇夫

東坡食猪
肉歌清晨

起來打一椀飽
得自家君莫管

鶴觴隨健步烏翅送神都

周禮注涼州烏
翅又名千里脯

北地持塵面南烹照座隅明燈黯風雪輟箸渺江湖

戊辰
歲除

客都下于顧南
雅侍讀家啖此

泛索調青子家風喚酪奴

泛索家風皆武
林舊事中語

年年餉臙臘得得老菰蘆遮莫無心炙頻蕃廣額屠穠衣

佳出手候印足光軀禁鬱分甘愧恩門供頓娛

明史闕黨傳周應秋

家善烹飪每魏良卿過進豚蹄留飲良卿大歡時號煖蹄總憲

仲眉亦蕭瑟故事記中吳

詠煖鍋

先生未識開爐節敗竈土酥煖榻拙伊公陸氏太酸寒批
風抹月無立適誰將焯兒發丹鼎爨器居然尊俎列銅溝
附胸錫厚脣鮭菜環居咸附熱黑太陽騰五熟釜小四海
觀百味鉢只憐寂寞五侯鯖野八珍中強排比入鬪油雜
飯上糟雲清異錄糟雲謂糟菹骨董好羹錯淹雪大智度論沙門以好羹上佛古書醃
只作一辯量腹能幾何武庫回湯快流歛卻思大庖安用
此分簽鵝掌與羊舌零星下頓好飯何胡叟布囊休自徹

詠蜜煎消梅

冥果

讀如真氏之真

頭行釘翠荷

武林舊事高宗幸張府節次雕花蜜煎一行首雕花梅

有青梅荷葉兒

江城風雨齒牙過畧無楚楚含眉黛難共森森上

頰渴醉倚羊燈呼撒嚙悄藏脂盞賺厮波釵頭幾見拈青

帶悵望溪橋雪意多

吳俗立夏日女子以簪貫青梅插髻邊

詠甯天燭

花坼丁香碎珠凝火齊丹僧房裁處密雀族嗥來殘倚竹
暮微雪插瓶春尙寒相思拈不得試解絳紗看

胥口伍相祠

水犀飛颺汎黃溝河上歌殘付屬鏤墓檀魂消三戶客

越絕

書子貢曰胥執忠信死貴於生
蠶審吉凶去而有名蠶蓋鑒之

宮梧煙冷五湖舟沼吳赤

舌原天意伯越蛾眉與鬼謀莫更揚波騰怒氣姦諛今古

貉同邱

客惠麋脯一臠

章章皇皇山林叢欲走復顧嗟途窮殺機一發煙青紅擔
頭氣壓雙兔雄君家炮熬按食譜大臠分墜隨詩筒嗟余
口腹木藍縷每愁羊跼園蔬空披綿通印糟牛尾不啻紙
上談兵戎松花滿山鹿養茸柏葉服餌肌香鬆玉池細嚼
黃庭通可惜邨釀非齋中藥宮三牲麋鹿麕
葛洪言麋鹿無魂故道家
不忌食也清異錄
因號曰玉署三牲仙人饜飫承家風欲扶詩骨招衰癯
招讀

同輿酣便學曹景宗生飲其血投雕弓圍場割炙呼君同
一笑蘭語亡是公

分詠吳中古迹得鶴舞橋鄭虎臣宅

磊落西班牙號牛州花橋水閣錦纏頭閣燈鶴舞闌門夜偃
月蛩吟葛嶺秋天水碧消炎海漲太師青結遠山愁木棉
巷外妖狐泣乾笑朱雲挂屐緜

糟裙帶魚

若箇滿裙斷際羅也隨算袋化江波當風練帶吹青蜃飛
雪銀刀決白置狼籍不教燒尾掘鯨吞可仗倨牙磨尊前
強作溫柔思略藉糟邱風味多

此魚在昔未詳何名太平
寰宇記惠州海豐縣有鰓

魚南越謂之狼籍魚身長二丈口長六尺廣三寸左右生齒如缺鋸據此形模則本名鋸魚也其頭可憎其尾可笑故有五

六句

韓蘄王墓歌

嵌巖一片撐蒼冥蛟龍欲攫呵奔霆錦裘繡旗今寂寞摩挲伐簿莓苔青觀縷一萬四千字尙嫌巨鐘撞寸莛昔年

淮泗雄長城千載亂山拱巨屏削平羣盜如芟艸山河帖

受除叮叮

詩傳墀除地叮叮者亦見王充論衡

只恨兩宮淪雪窖背鬼親鑿

虜血腥烏珠膽落江中冷擊楫自酌金鳳瓶未能直抵黃

龍府猶幸不入風波亭翠微坐老髀肉生

武林紀事世忠周遊湖山而于

冷泉亭尤多盤桓又建亭于飛來峯之半額曰翠微

秦頭歷日眼中釘旌忠不判格

天關炯炯虎氣埋幽局
閏廿六年公道明樞府
頌格備臣銘宸翰
淋漓濟選德殿中興第一昭日星遠追漢唐兩忠武
可惜限此小朝廷
牧童不敢割牛角
電光礮礮磨山靈
碑云
襁褓流瞬目光如電
押衙翁仲亦破碎
龜趺滑澁掛蜻蜓
峴首何用雙涕零
裕享收步荒宮庭
此碑終古聲瓏瓏
茫然欲讀不能竟
吹而北風言塔鈴

圓子二首

首節開笑靨

武林舊事節食所尚則乳糖圓子又御前泛索有笑靨兒

清朝尙口實雖

無傳託風

陸劍南詩自注云冬餽餽年傳託

未破牢九質地肥筵漸搏春

蘭簇復出撚尖玉
摻摻捻頭珠
一一漉湯浮白膏
調七沁

石蜜搗酥紋帶螺挺金字成吉

俗又捏爲小元寶

泛數逮僮媪喧

呼劇梨栗歡喜投鉢盈

大智度論佛入宮食時耶輸陀羅以一鉢百味歡喜九令上佛安

樂釘盤溢

今有安樂菜蓋昔春盤之意

膠牙祝堅凝婪尾任真率乾糕

已饋歲油餽同饌室貧家得晏起冷厨難究詰卽此是朝

餐欣然散書帙

玉塵沃雪付湯官佳識團圓舉室歡

范成大集紀吳下節物詩云然粉團藥意

尙待春歸俯春餅不緣冬住薦冬丸

廣東新語冬至爲米糰日冬丸粽梅

消夜無常供

玉臺新詠徐君禱同內人守歲詩酒中見姚子粽裏覓揚梅

粉荔迎年又

去聲

傳餐自笑家風真瑣屑不知克食幾牙盤

周必大浮園子詩歲時綱

雜詠附此

說家風

幼學堂詩稿

卷十二

大除日過太平庵見綠梅有破蕚之意係枯而復榮

者賦詩示僧補拙

僧房小梅龍生意向坎珂一籌此稍讓桃杏放如火凍雷
動幽蟄細蒂黏磊砢戒香偶輕擁雪艷猶深裏畫手未能
傳春光早帖妥紙窗隔橫斜鐙影巧鉤鎖軍持晚烟分團
蒲殘月墜忘情已安禪索笑如待我正思淖約仙玉鈿鬢
微鞞窮冬見苦心疎枝綴小朶芳菲志不售酸鹹計亦左
默然三摩提坐夏得初果

鏡聽詞

野雲戲罷掩柴門燈火星星出遠邨約畧豐年多好語一

壺白酒喚兒溫

枳盆已種火楊梅鄉里相呼勸一杯聖得紫珍傳此意不須風雪上燕臺

明朝便昭連珠皓此夜同分百歲錢不把癡獸輕賣卻消寒詩更續新年

顧沂養虎行

并序

沂直隸通州人乾隆庚寅舉人負氣慨有殊力選授成固縣令邑患虎沂手捕之赦不殺虎遂弭耳爲家畜沂亦氓之寢食不離每坐衙虎伏案側囚有抵欺者俟怒虎亦怒液液欲搏噬囚破膽吐欬調禮縣時逆賊王三

槐犯隴右上官素不意沂與羸兵百俾餉官軍天大霧
誤抵賊營沂已無奈何則揮刀直前虎亦吼躍助勢賊
大驚以爲神人一營奔亡蹂踐死無數沂乃從容押綱
去久之虎被毒死沂深嗟歎未幾亦卒錢塘馬太常履

泰 遇成固人道其事屠明府傳爲作傳余因作詩云耳

顧侯執虎如執豕虎懼苦手惟搖尾顧侯養虎如養士義
心感激共生死虎雖異類媚養已侯乃相畜同兒子縣齋
清寂如僧廬虎代徼巡呵戶奴掩閣榻前恣鼾睡坐衙案
下雄牙須鬚吏奸民敢作態奮髯一呼首立碎此虎爲人
業鏡臺警爾惡心生輒悔侯經捧檄向秦州虎亦隨車望

隴頭羸徒瘦馬輓芻粟蒼山莽莽旌旆愁千槍雷動蚰蜒
溝賊喜送糧爭唱籌顧侯揮刀如白雨人頭漉漉秋葉舞
虎憶深山氣始吐聲殷壤牆僵萬弩生者奔逃死撐拄侯
是神人虎神虎顧侯從容驅就道虎躍馬前喜一飽官軍
割級徐奏功侯策虎歸同臥藁侯亦終無子虎亦難易主
一朝先驅筋百鬼迎侯遊戲仙山去嗚呼化權馭人猶不
易何況馭虎如家隸杜德郵亭空醉眠梁鴛牧官闕絕藝
奔戎自夸生致之只惜童恢非健吏顧侯萬里封侯相區
區一宰意翫憐虎窟得子神稍王電睛鋼爪屹相向跨虎
躡風不悽愴枝江祠下擁前騶虎樹亭邊繼高唱

王逢梧
溪集題

虎樹亭自注云宋聰禪師住華亭時有二虎噬人師降伏之命名曰大青小青師卒虎亦死弟子瘞之塔旁踰年生銀杏樹二今主僧隱公
開亭樹間扁曰虎樹亭

送窮辭三十韻

與我周旋久誰云亡是公無顏復迎富作勢不留窮往昔
緣疎俊生涯致篤癡面柔原切禁聲感遂從同質的張辭
駑芳香播卻詞廣雅銜謂之詞子松矜疆樂小鷓炫殊翁詔口當
羣碎剛腸發衆蒙自然遭坎珂至竟被倥偬抵隙旬休沐
知非日省躬辛酸節衣食丁倒甚盲聾祛瘡來還間扶醒
起復中人應無此客帝或啟余衷幸鼓翺遊典休忘醜毒
恫息肩寬做邑傾蓋遇宗工垢膩蠅聲逐腥膻蟻術通交

情真墜雨歸路向剛風
芙蓉西山蕨蒨蓼楚塞
楓聚搏營

鬼窟

西山經槐江之山有窮鬼居之各在一搏郭云搏猶脅一作搏

束伍佔神叢仿佛形

魑魅嚶嚶語蠖蠓膏脣雖布穀

馮衍書口如布穀

掩耳任飄蓬寂

寂拚庭宇偃偃揖遠空書殘判飽蝨酒熟聽生醪葦戟施

門嚇桃符靜室哄分張共命鳥噉啗可憐蟲田果虛名狗

尸子田果命狗曰富

孫樵暗罵僮米花熬膈膊麩蘭捏玲瓏頌歲祗

常態薰天未最功

遼史人自俗煎餅食於庭中謂之薰天

宜春聊塞白如願

敢假紅盞撒堆休撥

元遺山集送窮云煎餅虛拋盞撒堆

柴查火已融

吳俗送神

用冬青栢子柴查字見管子

三彭相死守更仗筆端攻

柳子原有罵尸蟲文

薄餅十六韻

輕羽銀光拂重羅玉屑飄穰衣黏糝拍麩杖起慢調緩火
排行竈輕雲抹短餽繅盆手引紙皺竹杵挑細牒勻雞

臘分乾雜韭苗

釋名分乾切豬肉

吳庖頤莫朶儉食指難拈裂絲

嫌皮厚充虛免腹枵粍粍尖站黑

通鑑唐宣宗時中官過硤石縣嫌餅黑鞭驛吏

見血齠齠齒牙驍四片真宜破雙弓尙待澆倦遊行店想粗

噉舊災消爛飯韓公送中厨庖剛邀紅綾燒故尾綠肉卷

新臚五福逢誰煮三籠買未焦乞兒空有願畫地最無聊

力士鐺期擀

北夢瑣言王蜀時有趙雄武者號趙大餅每三斗麪擀一枚大於數間屋

文侯印

趣銷覆巾從上揭若箇說寒宵

青箱雜記諺云薄餅從上揭

題徐有貞傳

并序

徐有貞傾危織人也乘隙抵巇攘取大位殺忠臣以爲庸如蝮如蠍含毒非一日矣身亦幾陷大戮不以善始固難以善終劬齒爛下何其幸歟當時公論雖明私議成黨有貞旣沒祠宇巍峩洵以爲鄉先生也文林著琅那漫抄遂誦言有貞再造之勲詆于忠肅大逆當族欲以一手掩萬世之目愚乎知乎載觀龔明之吳中紀聞敘丁謂始末數百言儼然一名臣昔建安袁樞分修關史章惇家以其同里宛轉請文飾其傳樞曰子厚爲相負國欺君吾爲史官書法不隱寧負鄉人不可負天下後世樞之心真不愧春秋義矣若文林之徒何堪簪筆

在人主左右哉

竄名夾袋起治河不記南遷班列訶富貴逼人前捧日功

名與汝後操戈一宵墮雨中台圻幾日凌烟側弁俄

有貞謂石

亭曰願得冠側注從兄後遂封武功伯

老去此心消不得鐵鞭舞罷擊壺歌

觀音峯

在花埠路旁

不墜宣和浩劫間只羞黃帽蓋孱顏飄茵墮溷尋常事莫

入朱門號血山

太牢甲乙真癡絕一片嵌巖未許鑄

牛僧儒以太湖石爲甲皆有螭題見白樂

天記瓦礫堆中忍三昧海枯石爛是何年

雪中登靈巖

凝雲黯宙合積雪開山扉林嶺開葩繡川原動霏微漸壓
松梢折久佇行履稀那知窮簷戚自覺塵世非湖波曠望
濁寺鐘傾耳希迴颺撲簌集落雲凌亂飛暝色赴墟落冰
柱垂荆扉荒灣橫漁艇枯椿沒釣碕峭寒不可住卻羨山
僧歸

冰箸十八韻

待伴嫌春雪三朝滴未乾葳蕤鍾乳結

范成大桂海虞衡志桂林洞鍾乳如

冰錯落水精攢影並銅溝坼聲輪鐵葉酸稜稜裁玉骨寂
寂泣珠盤筍柱琤琮聽簾鉤澗漾看當窗窺鏡近對案借
籌難展卷行能映抽釵股試彈朔風拗半段初月釣雙竿

呵凍承非溜，瘦膏勸可餐。畫叉挑遠幌，翠袖數回闌。香篆

縈疑濕，饑烏啄向殘。投籤宵自警，敲杖暮還霰。野馬浮光

觸陰虬，蛻甲蟠命題。詩膽大傳玩，粉娥歡

開元遺事冬日雪霽寒結簷溜

皆爲冰條妃，子使侍兒取玩帝

各舉喧童子蒙松怕達官

晚朝回問之答曰所玩冰筋也

唐書寧王憲傳句餘瓊瑟縮尺許涕洟

王褒僮約鼻擔涕長一尺

宇憐他，傍頭銜似我。寒黃綿窮巷，被共慶陷冰丸。

七姬墓

張羽權厝志程翟徐羅卞彭段七人段年十八其先死者也案程基夷白齋集有群珠碎

傷吳帥潘元紹衆妾作卽此

羣珠碎向石家樓，陌上香車影不留。紅粉君看終一曲，黃

泉身試待千秋。桃花雨急催笳管，菜葉風乾弔鬪樓。

楊鐵崖集

金盤美人詩注云國亡
伏誅臺城投其首於湘
粥粥幽禽呼姊妹虞兮小草獨含
愁

題葛賢墓

在五人墓旁

繫獄五人前結廬五人後吳民無私讎貪吏戒舉手

太常寺卿黃子澄墓

在崑山事詳蘇州府志

秀臺冤魄草猶紅石闕依然攬顛蓬誰道却秦惟趙括最
憐安漢繼鼂公魚鱗尺籍遺孤保瓜蔓參夷幾族空爲問
火燒頭處所秋燐點點泣西風

喜撰注韓文公集畢狂言寄董琴南

仰秣摧老驥避風憂爰居端坐但悒快典籍聊容與愧非

著作材難啟秘府書昌言有忌諱理道良齟齬不能效揚
子鉛槧歷計車不僅辦景純細碎注蟲魚古人亦有待文
句快爬梳末光附日月力嗇開苗畝韓集向千載未學何
紛拏襤縷或露直姦黠稍伺狙患厥絲棼類懼惟蠅乳胆
孤陋竊探討紙墨綴襟裾始如觀上國口角銜不祛繼乃
汎中流心津曠匪且得閒解迎刃漸佳倒啖諸軋軋縲抽
繭汪汪水決渠玄怪搜象罔荒穢嚴誅鉏百家篇什證一
代典故臚譬諸擁天府生物姿吹漁暨乎被法服雜佩輔
瓊琚諷籥魚喁險披撻狸胥疏么磨刺棘猴冗長書券驢
寒暑三時歷卷帙束素如自娛豈不可時論其舍諸緬思

傳注體表道賴揭檠鄭公治六藝卓哉龍文據萬象錯星
宿至寶陳璠瑛選樓佐鼓吹夏屋撰彼疏誘倖知雅訓張
郭雕羸苴妄庸劇師古作態觀夔臙蔥肆珍臂畧兔圍弄
口噓流弊沿宋派空卽鼓鳴虛咨余不畏難偈偈厲磴磴
身名兩靡顧抱道思懸閭窮愁若方寸黃菌烝蠙坦好手
夸膾鯨反脣笑收豬一飽劫老蠹五味嘗莖蕘繫賴同心
子揚摧時相於借書滿鳴簾載酒尋蝸廬趁漚驂之斲琢
菴騰與餘蘭芳撫謝覽賦汚揮劉輿吾問爲學要訓詰猶
多餘曠覽必至巔厯塊蔑彼岨樸遽弃繩削碧盧屏藏儲
通川併細流張楚吞羣舒暫鈍師文柱久驚梓慶錄

莊子
音義

音據循文乃庶字之借不當作據音今借爲平聲

操劍追形影斲輪應疾徐心燈

明無盡意珠篋孰祛古人傳著述來茲益才請混沌不鑿
破何異結繩初吾實媿貧薄筆札艱鈔胥弊帚欲緹縉覆
瓿能欲獻夏璜豈無考蜀錦亦有初幾幸貽百年那復阻
堂除格如享廢社不必當精精作詩亮非詭負鴈期驅驢

齋中開並頭蘭

采采春猶晚遲遲日共熏鸞釵眉葉闕燕翦露華分結念
雙紅豆緘題三素雲本來空谷賞無事叩靈氛
辛苦書窗下芸香疊萬箋幽花宜獨笑綵筆引雙煙春入
莓苔徑人當憔悴年天涯碧雲暮衰鬢愧差肩

春盡有感二首

還丹幾轉却三彭，信貨窮年滯兩生。
懷舊庭闕猶下蜨，解交林外不聞鶯。
相忘自足江湖趣，永矢長留金石聲。
畧歎華亭老船子，纓頭空倚髻珠明。
五燈會元：華亭船子和尙高蹈，後得夾山善會，囑曰：他後但向深山裏纓頭邊覓取一箇半箇接續。

買絲只欲繡嘉賓，抖擻輕衫尙市塵。
我法孰從我與我，人心難測人非人。
飲河易滿東家賤，相馬難肥北郭貧。
一一鶴聲從掩取，葛龔名姓豈沈淪。
世說：郗超每聞欲高尙隱退者，輒爲辦百萬資，并爲

造居宇嘉賓超小字

立夏日宿石鼓山寺琴臺玩月歸坐山樓四首

萬松撼哀壑吹破雲臙臙綠陰敞無地鬱鬱磨古銅髡髻
薜蘿暗生猗犖碧雄此時羣喙息氣吐滄江虹好春悵不
留遐矚迷青蔥那知萬家夢空外烟濛濛層波翻石做拔
足生長風露氣亦逼仄眉頭稍冲融惜哉脩月戶挽強未
滿弓流鈴落梵唱火馳理詩筒

山樓雲已宿佛香閒與裊只愁宵漏促益憐孤月皎牝谷
散潮音蒸嵐濕林表僧舂四壁殷詩思一燈小分籟作秋
聲墜籟時接鳥猶疑硬雨來蔌蔌戰林篠長廊破人影試
問風旛擾青圍虛白來綠鬪殘紅少清澂晃湖光突兀棲
煙杪高吟興未闌強韻試再挑

山月未渠沈，心兵鬪寸燭。檐際拖斜光，畧似霜華屬。鈴鐸
喚微風，瓏瓏簸寒玉。峭聳嶺頭明，茂悅牆陰綠。遶山螭，帖
鳴出林，蝙蝠觸鐘動。僧寮警雲洩，泉脉續修鯨。萬里波應
穀，一丸浴杳然。采香人，紅心逗芳躅。佛古毫尚光，衣禡肌
微粟。呼酒倘重看，詩債償豈足。

四更月，繡黃莓。苔謝勤踏垣衣，映棲苴。僧嬾不收衲，孤峯
忽趁人攀。鬆笑古塔，輕行叩疎寮。小語怖栖鴿，文字芳鮮
尋肝脾，沈瀟納悒悒。徒傷人華年，僅數雜。文子數而之壽
淮南作數雜雜與市同取，其新者新筍咒養胎，病蜂嘘戀蠟。要當結佛夏，未肯枯
僧臘。惡客太癡生，曾不溫繩榻。坐待金盆傾，寥天俯仰略。

立夏後一日過無隱庵贈涵虛上人

叩門筍解籜開石澗分涼初夏落花竟小亭穠翠當風偏
移綠影日正爽清香白社少緣結留題墨數行

自靈巖山脚抵天平山道中至無隱菴題壁

亂山如浪打頭來兀兀籃輿穿翠隈一路松花兼竹粉更
容顏脚破新苔

道人手摘青梅勸俏醋能添詩語妍絕景此間留一席十
年參破木犀禪

范園聽鶯閣新綠

鶯催春轉綠鶯老綠猶新一帶樓臺間幾番風雨皺沙隄

工試馬岫幌近招人飛絮波流盡樊川獨愴神

歲月惜惜老林泉
甕甕新都將粉蠅
洗莫要陣雅
敝澹池
安禪客惺忪載酒人
青蔥四時在應問
主林神

詠貧士貧女

孤雲蹤迹向高秋
百甕黃齋拚到頭
堅守殘書待兒讀
懶懷短刺望門投
沾脣只待青田核
果腹虛誇日及牛
若問葛洪家具在
等身著述遣窮愁

荷衣自疊女兒箱
遠近南山對洞房
戲糝梅花朝作粥
新研柏子夜添香
畫眉刺試甘泉瓦
寫韻全投古錦囊
乾笑浣紗人一去
綺羅叢裏送春光

種蕉

分得半窗綠稍皴鳴脚莎送春花影盡入夜雨聲多自覺
須眉淡能調筆研和幽居悉相稱老屋更牽蘿

李德裕

五朝遺老話窮愁一品鴻文抒壯猶裴令龍鍾勲業繼霍
侯芒刺禍機投平泉草木窺妖鵬東閣衣冠化豎牛直到
庸奴畏精爽蒼生洒淚望崖州

牛僧孺

同河朔賊耐官軍鍾乳金釵送老勤鴻鵠難邊新氣勢牛
羊厯上舊知聞南遷互署鸞臺勅西望偏傷玉壘雲賴是

平安杜書記沒身羸得好碑文

秋旱謠

阿翁幾年飽白粥五月插秧雨亦足那知赤地過三旬
輒枯槁聲似哭縣官遲回帖屠戶猶羊銜刀不敢呼去聲
小兒折柳鞭旱魃貴人召殃賤受罰汝儕亦莫怪縣官誰能
飽煖勤生活龍舩過戲場忙天公罰汝汝思量

書宋文鑑二首

睿思殿內傍爐薰

聞見後錄神宗命中使以通鑑至政事堂每葉縫合以睿思殿寶章睿思殿上

禁中觀書之地也

步出迎陽講讀勤

初進御命于過英閣講讀

不奈晚生輕拆

洗欲愚黔首效商君

謂綱目之作

溫公猶自遭嗤點

新安宋氏謂溫公枉費精力作通鑑

何況東萊繼選樓

朱氏

日伯恭承當此事何不發明人主之學其意殆欲專取道學腐語而經世文章不必采也

嚇取兒郎書

盡東清談高座保金甌

書元史伯顏傳

毗陵義血貫胡塵
檢點遺黎僅七人
堪笑東陽醉學士
伯顏猶得比曹彬

重秋旱謠

蹋塘車渴烏雷轉
卷魚蝦社公流汗
河伯呀太湖當復揚
塵耶塘車蹋縣官
請雨真無法窮檐
怨氣日吁嗟祭酒
巡壇應幾市

自寇謙之以前皆稱道士爲祭酒見法苑珠林

道滿城斷屠復開屠得非

公事假公厨官人強爲民菜食民未飢荒官已瘠楓橋米
價盡音進擡佑穀賤傷農語自古今年開倉循舊章不加升
餉十當五連年官清民亦樂偶爾偏災詎爲酷老農安分
甘枵腹倉吏何憂食無肉

三國新樂府廿二首

五色棒

聞官孫帶銅臭啖冶葛結黃綬鍛鍊凶心試毒手天下梟
雄徐入穀西園錢導行迴北部尉傳呼來三尺劍光芒滅
五色棒威風烈

杖督郵

高帝子孫淪匹庶馬上辛勤博一尉不舉尤異舉謠言聲
沸鄉亭督郵至都吏來負弩驅監司坐執板趨詔書沙汰
亦職耳持面相輕一男子爾孝廉爾秀才中官一笑玄纁
來亂天下者由卿儕從汝縮頸教汝袒背鞭之見血文無
害

孫郎至

孫郎至江東歡叫袁公悻孫郎死江東兩泣曹瞞喜孫郎
美若留子嗟娶妻正得陰麗華豺狼戰命橫江火花柳迎
暉夾道笳天意蒼芒忌英物腸斷吳門古朗月剩將家寶
投青蠅孫郎只作劉伯升

重門宮

濁鹿錮重門修汝亦來耶
哈董侯濁鹿開重門封汝不急
去逢賈充梟聲滿殿芳當廢
母子生離情無氣直牽狗脚
朕登車不待華歆了此事
龍鍾癡叔淚頻揮苦記先公抱
頸時兒孫誰保無豚犬生子當如司馬師

臍燈

董逃來青門道嚼復嚼千里草歌布乎太師倒十斛灰腸
胃漂脂夜妖臍燈照明光宮廷奏事早滿城燈火臍中好
李催來今年鏡出續五行志今俗有此語剩釵釧罄酒肴飢民白骨無
脂膏嗚呼賈誦救命之計耳青燐百萬空城燒

曝劉虞

天必雨公曝市雨不效公應死強梁咀吞弱者瘖蒙以惡
名苦毒深太虛赤日昭公心公如不臣乃降霖瓚也欺天
便了快天奪其魄無遺類不然與袁亦強對關靖催死易
京樓田疇僅賣盧龍塞

衣帶詔

李催凌藐躬二衰弱公室不能相捨復此人性命自知在
何日衣帶詔密密縫左將軍天下英雄惜哉窮涸如困龍
平世三公但瞠目可意兒郎鬼伯促作詔板封阜囊黨人
死盡誰承當陛下少安幸後亡彼人自比周文王

縛虎急

飽鷹颺饑虎縛忽袁忽曹反乎覆待諸將婦原不薄于誤
合成一大錯縛太急難轉肘不早相從致公瘦使布將騎
公將步天下何容有殘寇立德卿勻一辭丁建陽董大師
俱落虎口他可知耽耽無奈大耳兒搖尾曾不蒙憐思馬
中赤兔人中布畏死何殊一老嫗斑斕其皮質乃羊公臺
命衰爲彼張

五斗米道

大賢良師神上使三十六方同日起舉頭不識蒼黃天漂
血方知鯨鯢壘亂氣塞空通鬼道蛾賊水消米賊飽平陽

治鹿堂治二十四治三元九府閃靈旗不侯不守不君不
師齋客羸糧流汗馳生人白日遭鬼迷真方却有房中秘
偷得浮屠喫飯計嗚呼漢亡其決矣君不見周孔詩書禮
樂浸衰區豈容罷女與罷士又不見商韓六蝨五蠹痛芟
除其歸慘刻少恩紀何處更求五斗米

寄當歸

劉繇心肝死又死英物無施月旦里寧識神亭擲戟時遇
孤方是卿知已子義捨孤復從誰七尺劍光戴天子江南
卑濕易物故眉壽只容張子布當歸寄續命餉孔公拂席
傾家釀伯約有母不遘歸况爾出身遇明上

百尺樓

湖海士尙豪氣君言豪寧有事自臥大牀客下牀落度都
無主客意僅此耶笑撫掌如君所遇猶殊獎當寢君於地
自臥百尺樓上世亂求全理非錯作田舍翁不爲惡吾恨
元龍鑒識疎齒牙尙有華子魚

黃鬚兒

黃鬚兒不中博士好爲將好爲將長劍踞蹠翁龍障血漉
漉桑乾歸黃鬚兒竟大奇呼我黃鬚無不拔貽世子世子
摘若領底髭刺刺促促送歸薨里逝者如斯生者長嗟咨
百五十老兵稱媿藩國儀兄弟日瘦他人肥叢叢鷄栖有

蠅翳忍死呼來司馬懿

饋空器

驢非驢鵲不鵲噫苟生成大錯傾倒老姦囊底智更與誰
人論名義魏王魏帝自爲之何等腐生持駁議懷異心饋
空器彼見幾能自斃此意分明示公等陳家小兒眞首肯

謂陳羣

嗟哉仲豫邈難並謂荀悅漢尙書令魏元勳何不早隨

劉使君

借荊州

借荊州進取計方作書筆落地老瞞惴惴幾無氣豈知連
鷄不並栖疆場細故膠漆敗鄴宮高拱降表至借荊州短

魯生奪荊州推子明終身不悟非人情阿蒙麤材何足齒
車騎將軍洵豨子

戰赤壁

冰步八十萬先聲警南服幾疑天壤盡劉琮不識江東有
魯肅何況周郎替孫郎郭嘉不死敢披猖東望夏口西望
武昌投鞭不爲筏積甲不爲梁江濤奔騰雷戰鼓南風猛
駛投烈火八十萬人點鬼簿猶笑劉公計不早從今敢出
華容道只向濡須相

讀若
厮

持老

陸秀才

舉秀才不知書周孔復生盡破除一軒一輦隨清濁文武

全才天下服拜州將揖吳王茂才孝廉抗顏行惜哉充庭
隔清晏四百餘年以此殿大喬破顏一笑無果是女夫繼
我夫捧舉狀歸玉帳科名正出兜鍪上今日兔園冊裏求
將相

武擔南

我漢陵夷至亡闔人竊弄紀綱忠貞盡伏刀鋸濁亂上干
穹蒼兆民血染原野萬乘命懸強梁孝愍孜孜求治曹掾
恣睢亂常矯命力征所惡善賢植黨無良殿下奔播在外
予丕盜有神鄉恭惟漢德深固殿下同祖景皇方今神人
乏主四海歸心遑遑名字披圖按牒幽明告瑞呈祥臣等

不勝大願除地武擔之陽奉上皇帝璽綬吉日膺祚無疆
竊幸攀龍附鳳謹進萬年一觴

加九錫

新朝外臣應褒異顧念此人更嫵媚歌鍾路馬彤弓矢法
物猶然漢家製不作三公加九錫版補天子無多日家私
賣弄本兒嬉凜凜張公方正色解嘲聊爲卿等言張公噉
喘際不前轉眼從車豎豹尾此物迴與公孫淵

輔後主

孝直死號亭敗荊州覆沒上庸攜錯事紛紛不帶芥佐英
雄主避其礙養全材受大事主少國疑不屬爾先帝以臣

謹慎致太阿出匣始斷制忠信既孚示直枉方隅內靖專
外攘負圖規局堪模倣嗟哉元遜亦託孤不繼家風身首
屠孫劉優劣本懸殊

死諸葛

生諸葛當旗鼓死諸葛誰跋扈諸葛如不死吾屬且爲虜
料生不妨巾幗舞料死何敢赤舌詛諸葛誠死矣天下奇
才無如我老臣無心逼富貴孤兒寡婦別處置殺王凌殺
曹爽疆場清謐當塗喪天遣武侯早捐館努力加餐急謀
篡

收成濟

宜免官

干寶晉紀論有免官天子

忽轅肆謂我何塞謗議斬賈充思其

次無宜適收成濟殺一真龍償一狗濟乎寧知當死否王
經母子飲歐刀文籍先生印如斗烏虜劉聰劉裕爲屠伯
晉祚靈長血狼籍

譙周謀

伯約徹圍引黠寇譙周勸降斬宗祀智勇何關吃老公人
謀不臧坐至此虜主庸臣偷活計傅巽劉琮誠兩利魏朝
若不裂土封請至洛陽陳古義古義如不振肯將鼠首殉
不見秦子嬰終作道旁殪陛下安樂公老臣縮侯印識時
務者爲英俊諸葛郎屍行陳北地王身灰燼小兒血氣非

儒訓

休洗紅二首

紅腕不可洗勸郎愛好着顏愁不復韶教妾所持藥
一洗一回退一愁一回老郎愛退紅衣妾把蛾眉掃